

# 《摩訶般若波羅蜜經》

## 37法稱品～44遍歎品（科判）

道一 編講 @ 慧日講堂  
2017/11/03 & 11/10

範例：

1. [0481a11]：內容節錄自《大智度論》，即 大正藏25冊 第481頁 a欄 第11行。
2. <原文>：內容取自《摩訶般若波羅蜜經》。
3. k316：開仁法師「《摩訶般若波羅蜜經》冠科」之頁碼，即第316頁。

### <36尊導品>

癸一、舉供養十方佛等格量供養經卷 k316

### <37法稱品>

癸二、舉舍利格量經卷 k317

子一、舉滿閻浮提舍利格量經卷

丑一、佛問<sup>1</sup>

丑二、約二諦論取捨

寅一、天主正答取本捨末

寅二、舍利弗問於取捨<sup>2</sup>

寅三、天主答取捨義

寅四、佛讚成 k318

卯一、正述

卯二、釋

寅五、天主領解更舉五義故取經卷

卯一、明為菩提本

辰一、法

---

<sup>1</sup> <原文>：佛告釋提桓因言：「憍尸迦！若滿閻浮提佛舍利作一分，復有人書般若波羅蜜經卷作一分——二分之一中，汝取何所？」[0476a25] 復次，出家人多貪智慧，智慧是解脫因緣故；在家人多貪福德，福德是樂因緣故。出家人多貪意識所知物，在家人多貪五識所知物。釋提桓因已證福樂果報最大，於在家人中最為尊勝；以是故，佛問釋提桓因。

<sup>2</sup> <原文>：舍利弗問釋提桓因：「憍尸迦！是般若波羅蜜，不可取，無色、無形、無對，一相，所謂無相。汝云何欲取？」[0476b09] 釋提桓因在家中，為煩惱所縛、五欲所覆，而能說般若波羅蜜，是事希有！以是故，舍利弗質問，欲令釋提桓因更問佛深義，故難。

辰二、譬

辰三、合

卯二、明能離怖畏 k319

卯三、明能離三惡道

卯四、明能離二乘地

卯五、明能令得佛道 k320

子二、舉滿三千大千世界舍利格量經卷<sup>3</sup>

丑一、明本末舉見經卷與見現在佛無異

丑二、明持誦說般若經卷與佛化他功德齊

寅一、舉一佛

寅二、舉十方佛

丑三、明供養經卷與供養佛等

丑四、明離惡道超二乘漸住佛道 k321

丑五、明離怖畏

寅一、離內怖

卯一、法

卯二、譬

卯三、合

寅二、離外怖

卯一、法說

卯二、分譬 k322

辰一、摩尼珠

巳一、正明珠德

午一、非人不得其便

午二、能除四根本病

午三、能除黑暗

午四、能除熱寒

午五、能治毒害

午六、能除眼疾盲瞽

午七、能除癩瘡惡腫 k323

午八、能隨物顯色

---

<sup>3</sup> [0476c06] 復次，佛開其初，以舍利滿閻浮提。帝釋既悟二事勝負，為一切眾生故，廣增至三千大千世界；此中自說因緣：「見般若波羅蜜，與見佛無異。」

午九、能令濁水清  
巳二、鑑為天上寶<sup>4</sup>  
辰二、珠篋<sup>5</sup>  
卯三、合說<sup>6</sup>  
辰一、般若具眾德如珠  
辰二、舍利為眾德住處如珠篋 k324  
巳一、舍利得供養，皆由般若之力  
巳二、舍利是佛功德住處  
巳三、舍利是諸法相波羅蜜住處<sup>7</sup>  
子三、舉滿十方恆河沙世界舍利格量經卷  
丑一、正格量  
寅一、歎般若法  
卯一、自格量  
辰一、明本勝末  
巳一、標  
巳二、釋  
未一、供養舍利功德 k325  
未二、持誦般若功德  
巳三、結  
辰二、明當見諸佛生法二身勝  
辰三、明無得故能見現在諸佛  
辰四、明般若能攝有為無為二法相勝  
巳一、明有為諸法相  
巳二、明無為諸法相 k326  
卯二、佛述成

---

<sup>4</sup> <原文>：阿難問釋提桓因言：「憍尸迦！是摩尼寶，為是天上寶？為是閻浮提寶？」

<sup>5</sup> [0479a22] 是函篋，凡夫之人所貴；舍利，凡夫、聖人所貴。函篋，世間受樂人所貴；舍利，出世間、世間受樂人所貴。

<sup>6</sup> [0479a24] 般若是如意寶珠，函篋是舍利；舍利中雖無般若，般若所薰故得供養。復次，諸聖法中，般若第一，無可譬喻；以世間人貴是寶珠故，以珠為喻。

<sup>7</sup> [0479a28] 人見如意寶珠，所願皆得；若見珠所住處，亦得少願。行者亦如是，得是般若波羅蜜義，即入佛道；若見般若所住舍利供養故，得今世、後世無量福樂，久必得道。

辰一、三世諸佛及佛弟子皆因般若而成就道果

辰二、般若中廣說三乘之教

寅二、歎行般若人

卯一、天主歎

卯二、佛述成 k327

丑二、釋疑

寅一、天主疑<sup>8</sup>

寅二、佛釋疑

卯一、法

辰一、二不二義<sup>9</sup>

辰二、不二二義<sup>10</sup>

卯二、譬 k328

卯三、合

寅三、天主領解稱歎

癸三、舉經卷與他格量自受持正憶念<sup>11</sup>

子一、天主舉般若自行施他為問<sup>12</sup>

子二、佛舉舍利反質

子三、天主舉舍利與他勝自奉答

---

<sup>8</sup> <原文>：釋提桓因白佛言：「世尊！菩薩摩訶薩但行般若波羅蜜，不行餘波羅蜜耶？」

<sup>9</sup> [0480c17] 菩薩行是諸法實相，雖能觀一切眾生心，亦不得眾生；雖能行一切法，亦不得一切法。何以故？以得無所得般若波羅蜜故。

<sup>10</sup> [0481a03] 若布施等諸法離般若波羅蜜，則有種種差別；至般若波羅蜜中，皆一相無有差別。譬如閻浮提阿那婆達多池，四大河流，一大河有五百小川歸之，俱入大海，則失其本名，合為一味，無有別異。又如樹木，枝葉華果，眾色別異，蔭則無別。

<sup>11</sup> [0481a11] 問曰：行般若波羅蜜，受誦乃至正憶念，此事為難；書持般若經卷與他人為易，功德尚不應等，云何言勝？

[0481a14] 答曰：獨行讀、誦、正憶念雖難，或以我心，故功德小。以經卷與他者，有大悲心，作佛道因緣，無吾我故，功德為大。

<sup>12</sup> <原文>：世尊！若有善男子、善女人書是般若波羅蜜經卷，恭敬、供養、尊重、讚歎，華香乃至幡蓋，如般若波羅蜜所說正憶念；復有善男子、善女人書般若波羅蜜經卷與他人——其福何所為多？

---

子四、佛明般若經卷與他勝自行

癸四、舉經卷與他格量為他解說其義 k329

子一、明勝

子二、釋勝意

丑一、明般若能生三世諸佛及高勝梵行人

丑二、明般若獨是佛供養尊重讚歎依止者

子三、結勸供養 k330

## <38法施品>

癸五、舉世間定散二善教他格量經卷化他 k331

子一、舉散善教他格量

丑一、舉閻浮提

寅一、佛舉問<sup>13</sup>

寅二、天主答

寅三、佛格量

卯一、明勝劣

辰一、正明

辰二、釋般若勝意

卯二、舉譬說 k332

辰一、明教一人得初果勝教一閻浮提人行十善

辰二、明教一閻浮提人得二乘果不如教一人得無上道

卯三、合譬說

辰一、正明經卷教他勝

辰二、釋勝意

丑二、舉四天下

丑三、舉小千 k333

丑四、舉中千

丑五、舉大千

丑六、舉十方恆沙世界

子二、舉定善教他格量 k334

---

<sup>13</sup> <原文>：佛告釋提桓因言：「憍尸迦！若有善男子、善女人教一閻浮提人行十善道。於汝意云何？以是因緣，故得福多不？」

丑一、舉閻浮提

寅一、佛舉問<sup>14</sup>

寅二、天主答

寅三、佛格量

卯一、正明勝劣

卯二、例上勝意

丑二、舉餘世界

癸六、合舉世間定散二善教他格量般若自行

子一、格量勝劣

子二、釋正憶念<sup>15</sup> k335

癸七、舉般若化他格量自行<sup>16</sup>

子一、標般若化他

子二、釋般若義<sup>17</sup>

丑一、總說

丑二、別示

子三、明化他勝

癸八、舉具自行化他巧說般若格量單自行

癸九、舉世出世善格量具自行化他 k336

子一、明巧說般若其福無邊

子二、格量

---

<sup>14</sup> <原文>：復次，憍尸迦！有人教一閻浮提眾生，令立四禪、四無量心、四無色定、五神通。於汝意云何，是善男子、善女人福德多不？

<sup>15</sup> [0484a17] 問曰：何以不解「受、持、讀、誦、說」，但解「正憶念」？

[0484a18] 答曰：受、持、讀、誦、說，福德多；以正憶念能具二事，所謂福德、智慧，是故別說。如人採藥草，乃至合和而未服之，於病無損，服乃除病；正憶念如服藥病愈，是故但解正憶念。

<sup>16</sup> [0484a24] 初以書經卷，勝舍利；中以經卷與人，勝教人行十善乃至五通；今受、持、讀、誦、說，於受、持邊，正憶念最勝。今如諸佛憐愍眾生故為解其義令易解，勝自行正憶念。

<sup>17</sup> <原文>：憍尸迦！何等是般若波羅蜜義？

丑一、舉世善格量

寅一、舉有所得善以格無所得般若

卯一、供養十方佛

卯二、久行六度

辰一、舉檀格量歎無得勝

辰二、明有得失

巳一、舉以我心取相施<sup>18</sup>

巳二、例餘五 k337

辰三、簡不具足

寅二、勸說無所得六度

卯一、明般若無得正義<sup>19</sup>

卯二、勸如法說

辰一、正勸

辰二、釋所以

寅三、明相似非相似二般若 k338

卯一、相似般若<sup>20</sup>

辰一、言同意異為相似

辰二、著心取相說般若

巳一、觀陰界入無常苦無我<sup>21</sup>

巳二、依無常苦無我修六度萬行

巳三、如是行得諸果 k339

午一、得十地

午二、過二乘

---

<sup>18</sup> <原文>：云何名有所得？

<sup>19</sup> <原文>：釋提桓因白佛言：「世尊！菩薩摩訶薩云何修具足檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜？」

<sup>20</sup> <原文>：釋提桓因白佛言：「世尊！何等是相似般若波羅蜜？」[0484b11] 復次，憐愍未來世眾生不見佛及諸大菩薩，但見經書；邪憶念故，隨著音聲，說相似般若波羅蜜。相似者，名字語言同，而心義異。如以著心、取相說五眾等無常乃至無生無滅，是相似般若。若以不著心、不取相說五眾無常，但為破常顛倒故，不著無常，是真實般若。

<sup>21</sup> <原文>：釋提桓因白佛言：「世尊！云何善男子、善女人說有所得般若波羅蜜，是為相似般若波羅蜜？」

午三、證無生得神通

午四、得無邊福

巳四、迴向菩提 k340

卯二、非相似般若

辰一、以不著心取相說般若

巳一、觀五陰空非常非無常<sup>22</sup>

巳二、觀諸法空不過不住

巳三、指廣

辰二、結勸歎勝

丑二、舉出世善格量 k341

寅一、約二乘

卯一、約聲聞格

辰一、說般若功德勝教一閻浮提眾生得初果<sup>23</sup>

辰二、說般若功德勝教十方恆河沙世界眾生得初果<sup>24</sup>

辰三、說般若功德勝教乃至十方恆河沙世界眾生得二果乃至四果<sup>25</sup>

k342

卯二、約緣覺格<sup>26</sup>

寅二、約大乘

卯一、正明 k343

辰一、約本格量

---

<sup>22</sup> <原文>：釋提桓因白佛言：「世尊！云何善男子、善女人為求佛道者不說相似般若波羅蜜？」

<sup>23</sup> <原文>：憍尸迦！閻浮提中所有眾生，皆教令得須陀洹。於汝意云何？是人得福多不？

<sup>24</sup> <原文>：憍尸迦！置閻浮提中眾生，復置四天下眾生，小千國土、二千中國土、三千大千國土眾生。若有人教十方如恒河沙得須陀洹。於汝意云何？是人得福多不？

<sup>25</sup> <原文>：憍尸迦！若有善男子、善女人教閻浮提中人，令得斯陀含、阿那含、阿羅漢。於汝意云何？是人得福多不？

<sup>26</sup> <原文>：憍尸迦！若善男子、善女人教一閻浮提中眾生令得辟支佛道。於汝意云何？是人得福多不？



已一、勝教乃至十方恆河沙世界中眾生令發無上道心<sup>27</sup>

已二、勝教乃至十方恆河沙世界中眾生令住阿鞞跋致<sup>28</sup>

辰二、約深淺格量

已一、教一人得阿鞞跋致勝教一閻浮提眾生發菩提心

已二、教一人近佛菩提勝教一閻浮提乃至十方眾生得阿鞞跋

致 k344

卯二、明稱歎供養轉近菩提者

辰一、天主稱歎勸供養

辰二、須菩提稱歎述成

## <39隨喜品>

庚一、明受持乃至正憶念所得功德格量顯勝稱歎勸修 272

庚二、依般若心隨喜所得功德格量顯勝稱歎勸修 k346

辛一、開宗定宗論隨喜迴向義

壬一、彌勒開宗

癸一、隨喜

癸二、與眾生共

癸三、迴向

癸四、無所得

癸五、稱歎隨喜

子一、對二乘凡夫稱歎

子二、釋歎（自調、自淨、自度）<sup>29</sup>

壬二、須菩提領隨喜義定宗 k347

癸一、領宗

---

<sup>27</sup> <原文>：憍尸迦！善男子、善女人教一閻浮提中眾生令發阿耨多羅三藐三菩提心。於汝意云何？是人得福多不？

<sup>28</sup> <原文>：憍尸迦！善男子、善女人教一閻浮提中眾生令住阿惟越致地。於汝意云何？是人福德多不？

<sup>29</sup> [0488a16] 是中說勝因緣：「是二乘福德，皆為自調、自淨、自度。」持戒者，是自調；修禪者，是自淨；智慧者，是自度。[0488a18] 復次，自調者，正語、正業、正命；自淨者，正念、正定；自度者，正見、正思惟、正方便。[0488a20] 復次，布施因緣故自調，持戒因緣故自淨，修定因緣故自度。

- 子一、領所隨喜福德<sup>30</sup>
  - 丑一、總明過去佛福
  - 丑二、過去佛在時所化弟子福
    - 寅一、正明弟子福
      - 卯一、大乘弟子
      - 卯二、聲聞弟子
      - 辰一、凡位
      - 辰二、聖位
  - 寅二、別出佛德
    - 丑三、像正教中得道弟子福
    - 丑四、過去佛在時滅後餘眾生福
- 子二、領能隨喜心<sup>31</sup> k348
  - 丑一、領隨喜稱歎
  - 丑二、領迴向
- 癸二、定宗
  - 子一、領有所得隨喜心
  - 子二、正定宗<sup>32</sup>
- 壬三、彌勒受定
- 壬四、須菩提設二難<sup>33</sup>

<sup>30</sup> [0487c12] 福德有二種樂因緣：世間，出世間。出世間者，諸無漏法，雖無福報，能生福德，故名福德。是故有漏、無漏，通名福德。[0487c14] 復次，福德是菩薩摩訶薩根本，能滿所願；一切聖人所讚歎，無智人所毀訾；智人所行處，無智人所遠離。是福德因緣故，作人王、轉輪聖王、天王、阿羅漢、辟支佛、諸佛世尊，大慈大悲、十力、四無所畏、一切種智、自在無礙，皆從福德中生。

<sup>31</sup> [0487c20] 如是等種種福德，得正見故，隨而歡喜。[0487c21] 復次，菩薩自念：我應與一切眾生樂，而眾生能自行福德，是故心生歡喜。[0487c23] 復次，一切眾生行善，與我相似，是我同伴，是故隨喜。

<sup>32</sup> <原文>：是生心、緣、事，若善男子取相迴向阿耨多羅三藐三菩提，如所念可得？

<sup>33</sup> [0488c24] 須菩提語彌勒：「若諸事、諸緣無所有者，云何不墮顛倒？」

癸一、無三世三世難<sup>34</sup>

子一、難

子二、舉四句為論<sup>35</sup>

癸二、三世無三世難<sup>36</sup> k349

王五、彌勒答二難

癸一、答三世無三世難

子一、明正邪隨喜迴向義<sup>37</sup>

丑一、明正

丑二、明邪

<sup>34</sup> <原文>：須菩提語彌勒菩薩：「若諸緣、諸事無所有，是善男子行菩薩乘者取相，於十方諸佛諸善根——從初發心乃至法盡，及聲聞諸善根，學、無學善根——一切和合隨喜功德，迴向阿耨多羅三藐三菩提；以無相故，是菩薩將無顛倒——無常謂常，想顛倒、心顛倒、見顛倒？不淨謂淨、苦謂為樂、無我謂我，想顛倒、心顛倒、見顛倒？」

<sup>35</sup> [0488c25] 顛倒者，四顛倒，三種分別。此顛倒是譬喻，無佛而憶想念佛，猶如無常而念常、不淨而念淨。[0488c29] 是顛倒，生時異、斷時異。生時，想在前，次是心，後是見；斷時，先斷見，見諦所斷故。顛倒體皆是見相，見諦所斷。[0489a03] 想、心顛倒者，學人未離欲，憶念忘故取淨相、起結使；還得正念即時滅，如經中譬喻：「如滯水墮大熱鐵上，即時消滅。」小錯故假名顛倒，非實顛倒。是故說：凡夫人三種顛倒，學人二種顛倒。

<sup>36</sup> <原文>：若如緣、如事，為阿耨多羅三藐三菩提亦如是，迴向心亦如是，檀那波羅蜜、尸羅、羼提、毘梨耶、禪那、般若波羅蜜，乃至十八不共法亦如是。若爾者，何等是緣？何等是事？何等是阿耨多羅三藐三菩提？何等是善根？何等是隨喜心迴向阿耨多羅三藐三菩提？[0489a07] 復次，諸緣、諸事如實畢竟空，念亦空，菩提亦空，隨喜心亦空，檀波羅蜜乃至十八不共法亦空。若諸法一相，所謂無相，此中何等是「緣」？何等是「事」？何等是「心迴向無上道」？

<sup>37</sup> [0489b16] 彌勒意：以諸法甚深，隨喜心微妙，所謂不壞諸法相，而隨喜心迴向無上道，是事甚難！凡夫人心剛強，不能行是法。是故彌勒答言：若行者久修六波羅蜜，諸功德深厚故不動，所謂能信、能行，多供養諸佛、種善根故，集無量無邊阿僧祇功德，結使折損，其心柔軟，此是先世因緣。今世得好師、好同學，亦自學諸法實相空，巧方便故不著是空。如是等種種無量因緣故，諸法雖無相，而能起隨喜心，迴向無上道。譬如鐵雖堅[革\*印]，入鑪則柔軟，隨作何器；菩薩心亦如是，久行六波羅蜜、善知識所護故，其心調柔；過去諸佛、諸緣、諸事、諸善根中，不取相，能起隨喜心，用無相迴向無上道。無相者，能用不二非不二乃至不生不滅等。[0489c02] 與上相違者，是名不能迴向。

## 子二、明堪聞不堪聞義

丑一、新學菩薩不堪<sup>38</sup>丑二、久學般若者堪<sup>39</sup> k350

寅一、阿鞞跋致菩薩

寅二、內有深信外值好師者

## 癸二、答無三世三世難

子一、第一周<sup>40</sup>

丑一、無常門

丑二、實相門

子二、第二周<sup>41</sup>

丑一、無常門

丑二、實相門

## 辛二、須菩提明隨喜義 k351

壬一、天主三問須菩提三答

<sup>38</sup> [0489c02] 彌勒知須菩提樂說空故語言：「如是般若波羅蜜隨喜義，不應新學菩薩前說。」何以故？若有少福德善根者，聞是畢竟空法，即著空，作是念：「若一切法畢竟空無所有者，我何為作福德？」則忘失善業。以是故，新發意菩薩，先教取相隨喜，漸得方便力，爾乃能行無相隨喜。譬如鳥子，羽翼未成，不可逼令高翔；六翮成就，則能遠飛。

<sup>39</sup> [0489c10] 阿鞞跋致菩薩，入法位，得法忍，能信、能行，故可為說。若有久行六波羅蜜、與善知識相隨，內福德、外因緣力助，雖非阿鞞跋致，能信、能行。是二種人聞是，心清淨，歡喜信受。如久飢渴者，得好飲食；如大熱得涼、大寒得溫，其心愛樂歡喜。是二菩薩亦如是，得是無相智慧，作是念：「我因是智慧，能度無量眾生，何況有驚懼、恐怖！恐怖從我心中出，是法中諸法相尚空，何況有我而決定取諸法相，聞一切法無相，則生驚懼！」

<sup>40</sup> [0489c21] 復次，「須菩提！菩薩應如是思惟：『用是心迴向無上道，是心念念盡、滅、變、離，無有住時。』」是諸緣、事，所謂過去諸佛及諸善根。諸佛等諸緣事久已滅，隨喜心今滅；既滅無異，是故經中說：「用是心迴向，是心即盡滅。」如是等入過去世故，入諸法實相故，無有分別是心、是緣、是事、是善根等。若能如是迴向，是為正迴向。

<sup>41</sup> [0489c28] 復次，一時二心不和合，隨喜心時無菩提心；一切心相畢竟空，不可以取相迴向。何以故？菩薩知般若波羅蜜空，無有定法。如般若波羅蜜，一切法乃至無上道亦如是。是時斷法愛、捨著心，於空無諍，是名菩薩正迴向。

癸一、天主三問<sup>42</sup>

癸二、須菩提三答

子一、答第一問簡釋新發意<sup>43</sup>

丑一、發心即學無所得

丑二、值好師示得失道

寅一、應行無所得大乘觀行

寅二、不應行有所得魔事

丑三、明其心不增不減<sup>44</sup>

子二、答第二問明乃至菩提值佛所植無所得善根

子三、答第三問明已於佛所植無依善根故作無得隨喜 k352

壬二、彌勒二問須菩提十一答

癸一、初問七答

子一、彌勒初問<sup>45</sup>

子二、須菩提七答

丑一、就能所不生心答<sup>46</sup>

---

<sup>42</sup> <原文>：釋提桓因語須菩提：「新發意菩薩聞是事，將無驚懼、怖畏？須菩提！云何新發意菩薩作諸善根迴向阿耨多羅三藐三菩提？復云何隨喜福德迴向阿耨多羅三藐三菩提？」

<sup>43</sup> [0490c12] 須菩提欲成彌勒所說，欲令新發意者應正迴向，故答帝釋：「若新發意菩薩，雖不久行六波羅蜜、不供養諸佛，而以利根、得善知識是二因緣故，堪任正迴向。」

<sup>44</sup> [0490c24] 復次，是新發意菩薩，善知識為說魔事；聞魔事已，不增不減，以善修習諸法實相故。若魔欲破，為欲破空，空則無破；若有增益，如幻如夢，何所增益？是故說「不增不減」。

<sup>45</sup> <原文>：彌勒菩薩語須菩提：「若新發意菩薩摩訶薩念諸佛及弟子諸善根隨喜功德最上、第一、最妙、無上、無與等，隨喜已，應迴向阿耨多羅三藐三菩提；云何菩薩不墮想顛倒、心顛倒、見顛倒？」

<sup>46</sup> [0491a22] 須菩提答：「若是菩薩以般若波羅蜜方便力故，於諸佛不生佛想及弟子想，諸善根中不生善根想。」一切法從和合生，無有自性，故無有定法名為佛，是故不生佛等想。是迴向心，亦不生心想。是故菩薩不墮顛倒。

丑二、就隨喜迴向盡滅空門答<sup>47</sup>

丑三、總說一切凡聖善根自性空門答 k353

丑四、別就善根迴向性空門答<sup>48</sup>

丑五、明現在自所起隨喜福德自相離門答<sup>49</sup>

丑六、就善根起隨喜福德自性離門答 k354

丑七、就譬喻門答<sup>50</sup>

寅一、譬正迴向

寅二、譬邪迴向

寅三、結正

癸二、次問四答<sup>51</sup> k355

子一、彌勒重難

子二、須菩提以四義答

丑一、以般若方便力答

<sup>47</sup> [0491a28] 復次，菩薩以是心念諸佛等及諸善根，是心盡時即知盡，盡心不得迴向。何以故？變失滅壞故。是心亦入無常門，到法性中；法性中無有分別是心、是非心，是佛、是弟子，是善根、是無上道。迴向心、迴向處，盡相亦如是。初心是憶念過去諸佛等隨喜功德，後心是迴向心。若如是迴向，是名「正迴向」。

<sup>48</sup> [0491b12] 復次，非正非邪迴向，所謂菩薩於過去諸佛善根等，乃至無上、無與等，迴向無上道。若菩薩知是事皆盡滅，知迴向處法亦自性空，能知滅、知空，是「真迴向」。若過去法無常，無常故不可迴向自性空法中；若過去法空，空故不可迴向自性空法中。用如是智慧迴向，是名「正迴向」。

<sup>49</sup> [0492b19] 復次，若菩薩知隨喜福德中隨喜福德性自離；諸佛及善根，并諸起阿耨多羅三藐三菩提心、迴向心、菩薩般若波羅蜜等諸行法，知自性空，是名正迴向。隨喜福德者，總說一切福德相；善根、隨喜起福德，是別相說。菩薩自緣所求阿耨多羅三藐三菩提，是名阿耨多羅三藐三菩提心。是菩薩隨喜心功德果，但求無上道，是名迴向心。行者五眾中，假名字為菩薩，般若波羅蜜等諸法，如先義說。先說福德中離五眾；今說福德，福德自相空。

<sup>50</sup> [0492c03] 復次，若菩薩於諸過去佛功德取相、分別迴向，是不名迴向。何以故？有相是一邊，無相是一邊，離是二邊行中道，是諸佛實相。是故說：「諸過去佛不墮相數中，不墮無相數中。」若如是取相數，是不名迴向，則墮顛倒。與上相違，是為不墮顛倒。

<sup>51</sup> <原文>：彌勒菩薩問須菩提：「云何菩薩摩訶薩於諸善根不取相，能迴向阿耨多羅三藐三菩提？」

寅一、明般若方便故得

寅二、勸思惟失

卯一、取相有所得諸佛不許

卯二、取相有所得諸佛不讚

辰一、法說

辰二、譬說<sup>52</sup>

辰三、合譬<sup>53</sup>

寅三、結勸 k356

丑二、如諸佛所知善根答

丑三、如諸法實相迴向答 k357

寅一、明不繫法為正迴向

寅二、明無生故不可迴向

寅三、簡邪迴向不能具諸功德 k358

丑四、就十方佛能知智慧答

辛三、如來述成

壬一、讚成前說格量顯勝

癸一、述成格量

---

<sup>52</sup> [0492c26] 「譬如雜毒食」：「食」是隨喜福德，「毒」是取相故愛見等諸煩惱生。「好色」者，福德因緣，作人王、轉輪王、天王，得福樂。「好香」者，得好名譽、富貴、勢力。凡夫無智之人，所共貪愛。「愚癡人」者，是新發意取相著心菩薩。「食之歡喜」者，富樂福德因緣故，於天、人中受此富樂。

<sup>53</sup> [0493a08] 此經中須菩提自說：是無智人「不審諦受」，不取其義，但著語言。「不諦取相」者，不如法分別。「不諦讀誦」者，忘失句逗，若自失、若受不具足。「不解義」者，不得經意。如是少智師教化弟子：「汝善男子！過去、未來、現在十方諸佛，從初發意乃至如是迴向。」則為謗佛，不隨佛教，不隨法說。

子一、讚述成<sup>54</sup>

子二、格量

丑一、舉定散二善格量

寅一、定散二善福多<sup>55</sup>

寅二、行正迴向德最上 k359

丑二、舉供養二乘聖果格量

寅一、供養大千敬田福多<sup>56</sup>

寅二、行正迴向德最上

丑三、舉供養大乘初心格量

寅一、供養大千悲田福多<sup>57</sup>

寅二、行正迴向德最上 k360

卯一、正明

卯二、總釋所以

癸二、諸天領悟具財法二供養

子一、四天王天

子二、三十三天

<sup>54</sup> [0495b17] 無相有三種：假名相、法相、無相相。「假名相」者，如車、如屋、如林、如軍、如眾生，諸法和合中，更有是名。無明力故，取是假名相，起諸煩惱、業。「法相」者，五眾、十二入、十八界等諸法。肉眼觀故有，以慧眼觀則無，是故法亦虛誑妄語，應捨離法相。離是二相，餘但有「無相相」。有人取是無相相，隨逐取相，還生結使，是故亦不應取「無相相」。離三種相，故名無相。

[0495b24] 若無有相，是中「無所得」；無得故「無出」；若法無得、無出，即是「無垢無淨」；若法無垢無淨，即是「無法性」；若法無性，即是「自相空」；若法自相空，即是法「常自性空」；若法常自性空，即同「法性、如、實際」。

<sup>55</sup> <原文>：須菩提！若三千大千國土中眾生皆行十善道、四禪、四無量心、四無色定、五神通。於須菩提意云何，是眾生得福多不？

<sup>56</sup> <原文>：須菩提！若三千大千國土中眾生皆得須陀洹乃至阿羅漢、辟支佛；若有善男子、善女人盡形壽供養、恭敬、尊重、讚歎，衣服、飲食、臥具、醫藥供給所須。於須菩提意云何？是善男子、善女人是因緣故，得福德多不？

<sup>57</sup> <原文>：須菩提！若三千大千國土中眾生皆發阿耨多羅三藐三菩提心，十方如恒河沙等國土中一一眾生如恒河沙等劫恭敬、尊重、讚歎、供養是菩薩，衣服、飲食、臥具、醫藥供給所須。於須菩提意云何？是善男子、善女人是因緣故，得福多不？



子三、餘欲天

子四、諸梵天 k361

癸三、佛述成諸天領悟重格量顯勝

子一、有所得隨喜迴向

子二、無所得隨喜迴向

丑一、正明

丑二、顯勝 k362

壬二、如來重說顯隨喜深妙唯佛能窮

癸一、須菩提請<sup>58</sup>

癸二、如來重說

子一、稱實相隨喜

子二、與解脫等隨喜<sup>59</sup>

癸三、舉久供養十方佛田格量 k363

子一、有所得供養

子二、無所得正迴向

丑一、正明

丑二、顯勝

癸四、勸修行正迴向 k364

## <40照明品>

己三、歎法美人因說般若

庚一、歎於法

<sup>58</sup> <原文>：須菩提白佛言：「世尊！世尊說善男子、善女人和合諸善根，稱量隨喜迴向，最上、第一、最妙、無上、無與等。世尊！云何名隨喜最上乃至無與等？」

<sup>59</sup> [0495c22] 問曰：六波羅蜜等諸法各各相，若色相、若無色相等；解脫有二種：有為解脫，無為解脫，云何皆與解脫等？

[0495c24] 答曰：我先已說：凡夫人以肉眼、六識顛倒觀故見異；若以慧眼，觀諸法皆虛妄，唯涅槃為實。是有為解脫，屬無為、隨無為故名「解脫」。如實得道者名道人，今未得道者，衣服、法則隨得道者故，亦名道人。如無餘涅槃，不生不滅、不入不出、不垢不淨、非有非無、非常非無常，常寂滅相，心識觀滅、語言道斷，非法非非法等相，用無所有相故；慧眼觀一切法亦如是相，是名「六波羅蜜等與解脫等」。是故佛法中說：解脫為貴，上智慧貴解脫。

## 辛一、稱歎般若供養生信 k365

### 壬一、稱歎般若<sup>60</sup>

癸一、能成隨喜歎

癸二、淨明歎

癸三、歸崇歎

癸四、無所著歎

癸五、能除煩惱歎

癸六、助道最上歎

癸七、能離苦果歎

癸八、總攝五眼歎

癸九、顯示中道歎 k366

癸十、能成種智歎

癸十一、能生菩薩歎

癸十二、無生無滅歎

癸十三、拔苦本歎

癸十四、與樂本歎

癸十五、不可破壞歎

癸十六、無轉無還歎

癸十七、能離有無歎

### 壬二、明供養般若

癸一、明供養

子一、舍利弗問供養之方<sup>61</sup>

子二、佛答

癸二、釋疑 k367

---

<sup>60</sup> <原文>：爾時，慧命舍利弗白佛言：「世尊！是般若波羅蜜？」佛言：「是般若波羅蜜。」[0497b17] 上佛、彌勒、須菩提、釋提桓因共說隨喜義。舍利弗雖默然，聽聞是般若波羅蜜隨喜義甚深，無量無邊，大利益眾生；雖漏盡寂滅，發歡喜心，從坐起，合掌，白佛言：「能作隨喜、斷諸戲論、利益無量眾生令入佛道者，是般若波羅蜜。」佛可其語，故言「是」。

<sup>61</sup> <原文>：世尊！應云何供養般若波羅蜜？

- 子一、天主疑<sup>62</sup>
  - 子二、舍利弗釋
    - 丑一、以般若方便力成隨喜迴向義釋
    - 丑二、明般若力勝眾行導眾行得一切種智
      - 寅一、法說
      - 寅二、譬說
      - 寅三、合說
  - 子三、天主難<sup>63</sup> k368
    - 丑一、牒將導義
    - 丑二、明相資成亦應相導
    - 丑三、正設難
  - 子四、舍利弗答
    - 丑一、許其相資成義
    - 丑二、正答相資成但般若為主
- 壬三、明生般若
- 癸一、諸法不生般若生
    - 子一、正明<sup>64</sup>
    - 子二、釋所以<sup>65</sup> k369
  - 癸二、合不合釋成生不生義
    - 子一、明有方便合不合皆得
      - 丑一、無生相故明無合

---

<sup>62</sup> <原文>：爾時，釋提桓因心念：「何因緣故，舍利弗問是事？」念已，語舍利弗：「何因緣故問是事？」

<sup>63</sup> <原文>：釋提桓因語舍利弗：「如所言：『般若波羅蜜將導五波羅蜜故，得波羅蜜名字。』 舍利弗！若無檀那波羅蜜助，五波羅蜜不得波羅蜜名字；若無尸羅波羅蜜、羼提波羅蜜、毘梨耶波羅蜜、禪那波羅蜜，五波羅蜜不得波羅蜜名字。若爾者，何以故獨讚般若波羅蜜？」

<sup>64</sup> <原文>：舍利弗白佛言：「世尊！云何應生般若波羅蜜？」

<sup>65</sup> <原文>：舍利弗言：「世尊！云何色不生故般若波羅蜜生？乃至一切諸法不生故般若波羅蜜應生？」

寅一、舍利弗與佛論<sup>66</sup>

寅二、天主與佛論

丑二、破斷見故明合

寅一、明不如名相起作法合<sup>67</sup>

寅二、如佛心合<sup>68</sup> k370

寅三、天主領解

子二、明無方便合不合皆失

丑一、須菩提明見合不合失般若

丑二、佛更明無合無不合見亦失般若

壬四、明信般若

癸一、出不信法明信<sup>69</sup>

癸二、釋不信法明信<sup>70</sup> k371

壬五、領解稱歎

癸一、明妙契中道遠離有無即有方便得

子一、歎般若著不著有無

丑一、須菩提正歎

丑二、佛反問<sup>71</sup>

丑三、須菩提釋歎因緣

寅一、舉五門釋

<sup>66</sup> <原文>：舍利弗白佛言：「如是生般若波羅蜜，與何等法合？」……「世尊！不與何等法合？」

<sup>67</sup> <原文>：釋提桓因言：「世尊！云何般若波羅蜜亦不合薩婆若，亦不得？」

<sup>68</sup> <原文>：釋提桓因言：「今云何合？」[0498b26] 一切相虛誑，故「不取相」；一切法中有無常等過咎，故「不受」；吾我心縛著世間，皆動相，故「不住」；能生種種苦惱，後變異，故「不著」；一切世間顛倒，顛倒果報不實，如幻、如夢，無所滅，故「不斷」。是故佛不著法、不生高心，入畢竟空善相中，深入大悲，以救眾生，菩薩應如佛心合。

<sup>69</sup> <原文>：須菩提白佛言：「世尊！信般若波羅蜜，為不信何法？」

<sup>70</sup> <原文>：須菩提白佛言：「世尊！云何信般若波羅蜜時，不信色乃至一切種智？」

<sup>71</sup> <原文>：須菩提！何因緣故，是般若波羅蜜名為摩訶波羅蜜？

卯一、不作大小<sup>72</sup>

卯二、不作合散

卯三、不作無量非無量

卯四、不作廣狹 k372

卯五、不作有力無力<sup>73</sup>

寅二、結歎

子二、明始行之人若福慧圓修則不著

癸二、明不會中道則著二邊即無方便失

子一、失因

子二、失果

癸三、舉十門釋成得失

子一、正列十門釋 k373

丑一、不生門

丑二、性無門

丑三、非法門

丑四、空門

丑五、離門

丑六、無有門

丑七、不可思議門

丑八、不滅門

丑九、不可知門

丑十、力不成就門 k374

子二、結歎

## <41信毀品>

辛二、明般若信毀罪福 k375

---

<sup>72</sup> [0499b18] 凡夫人心於諸法中隨意作大、小。如人急時，其心縮小；安隱富樂時，心則寬大。又如八背捨中，隨心故，外色或大、或小。……[0499b26] 如是等因緣，凡夫人於色或作大、或作小，隨憶想分別故，破諸法性；般若波羅蜜，隨色性如實觀，不作大、小。

<sup>73</sup> [0499c10] 凡夫人不知和合因緣生諸法，故言「色有力」。如合眾縷以為繩，不知者謂繩有力；又如牆崩殺人，言牆有力。若各各分散，則無有力。般若波羅蜜，知和合相，不說一法有力、不說言無力。

## 壬一、明信

癸一、般若甚深久植三多方能信

子一、舍利弗問

丑一、正問信解所由<sup>74</sup>

丑二、結成現在聞能信解<sup>75</sup>

子二、佛答

丑一、過去行因

丑二、現在聞即信解

癸二、所信般若絕於聞見 k376

子一、須菩提問般若可見可聞不<sup>76</sup>

子二、佛答般若不可得見聞

癸三、始行之人亦能信受<sup>77</sup>

## 壬二、明毀

癸一、明久攝不信之因發言毀謗深法成大業

<sup>74</sup> <原文>：慧命舍利弗白佛言：「世尊！有菩薩摩訶薩信解是般若波羅蜜者，從何處終，來生是間？發阿耨多羅三藐三菩提心來為幾時？為供養幾佛？行檀那波羅蜜、尸羅波羅蜜、羼提波羅蜜、毘梨耶波羅蜜、禪那波羅蜜、般若波羅蜜，供養幾佛來為幾時？[0501b06] 舍利弗聞般若波羅蜜甚深微妙，聞者尚難，何況能行！是故言：「信解般若者，是為希有！」是故問世尊：「若信解般若者，是人於何處終，來生是間？」[0501b09] 舍利弗作是念：「是人應從好世界終，來生是間。是不應新發意，不應少供養佛，不應少行六波羅蜜，必是大德人，未聖而能知聖法故。」是故問：「發意幾時？供養幾佛？行六波羅蜜幾時？」

<sup>75</sup> <原文>：能隨順解深般若波羅蜜義？[0501b14] 「能隨順解深般若波羅蜜義」者，是菩薩於諸法不取相、不著空，行空行，和合五波羅蜜行般若波羅蜜；用大慈悲心，為一切眾生行般若波羅蜜故。

<sup>76</sup> <原文>：須菩提白佛言：「世尊！是般若波羅蜜可聞、可見耶？」

<sup>77</sup> <原文>：須菩提白佛言：「世尊！是菩薩幾時行佛道，能習行如是深般若波羅蜜？」[0501c28] 或有菩薩初發心，便能習行甚深六波羅蜜。「習行」者，一心信受常行。「方便力故」者，雖行六波羅蜜，起福德因緣，而心不著。「諸法無所破壞」者，是菩薩信力、智慧力大故，聞摩訶衍深法，即時信；聞聲聞法亦信；聞外道在家、出家法，亦不破壞。而於中出二種利：一者、分別是道、非道，捨非道、行是道；二者、一切法入般若波羅蜜中，無是、無非，無破、無受。「不見諸法無利益」者，即是上說於中出利者。是德福具足故，終不遠離六波羅蜜，乃至淨佛世界，略說義。

## 癸二、明無量劫受重苦 k377

### 子一、明受苦果

#### 丑一、明正報

#### 丑二、明餘報

### 子二、論重輕 k378

#### 丑一、論因<sup>78</sup>

#### 丑二、論果<sup>79</sup>

## 癸三、勸攝三業兼辨毀謗之因 k379

### 子一、勸攝三業

### 子二、出毀謗因

#### 丑一、別明口業<sup>80</sup>

#### 丑二、明四因緣 k380

##### 寅一、標問答數<sup>81</sup>

##### 寅二、釋四因緣<sup>82</sup>

卯一、內有煩惱魔外天魔入心

卯二、堅著邪見鈍根不解

卯三、外值惡師內復懈怠<sup>83</sup>

卯四、世習瞋慢

##### 寅三、結四因緣

## 辛三、歎般若甚深明信毀之本 k381

### 壬一、佛泯縛解境智因果以明淨義

#### 癸一、明泯縛解故甚深

#### 子一、舉三緣明難信解故深

<sup>78</sup> <原文>：舍利弗白佛言：「世尊！五逆罪與破法罪相似耶？」

<sup>79</sup> <原文>：舍利弗白佛言：「世尊！世尊說壞身體大小？」

<sup>80</sup> <原文>：須菩提白佛言：「世尊！以積集口業故，有如是破法重罪耶？」

<sup>81</sup> <原文>：須菩提白佛言：「世尊！是愚癡人毀訾、破壞是深般若波羅蜜，有幾因緣？」

<sup>82</sup> <原文>：須菩提言：「世尊！何等四？」

<sup>83</sup> [0504a03] 有人利根堪信，魔又不來，但隨惡師教故，破般若。有人雖屬惡知識，諸結使薄故，勤精進，能信般若波羅蜜。是故二事和合為一，亦屬惡知識，亦深著五眾，結使厚，生懈怠心，是故不信般若。

子二、明諸法無縛無解<sup>84</sup>

丑一、約五陰明

丑二、約六度明

丑三、約十八空及諸道法明

丑四、約三世明 k382

癸二、明般若非深不深畢竟淨

子一、舉八緣明難信解故深

子二、明境智因果淨

丑一、明因果淨

丑二、歷一切法展轉明淨 k383

寅一、約我等明

寅二、約三毒明

寅三、約十二因緣明

寅四、約六度諸行明 k384

寅五、約有為無為明

寅六、約三世明

## <42歎淨品>

壬二、舍利弗歎般若深淨明有妙用 k385

癸一、就甚深理歎<sup>85</sup>

癸二、就妙用歎

子一、照明歎<sup>86</sup>

子二、不相續歎<sup>87</sup>

---

<sup>84</sup> <原文>：須菩提白佛言：「世尊！是般若波羅蜜云何甚深難信難解？」

<sup>85</sup> <原文>：舍利弗言：「何法淨故，是淨甚深？」[0507a07]「是淨甚深」者，淨有二種：一者、智慧淨，二者、所緣法淨。此二事相待，離智淨無緣淨，離緣淨無智淨。所以者何？一切心心數法從緣生，若無緣則智不生。譬如無薪，火無所然。以有智故知緣為淨，無智則不知緣淨。此中智淨、緣淨相待，世間常法。

<sup>86</sup> <原文>：舍利弗言：「何法淨故，是淨明？」

<sup>87</sup> <原文>：舍利弗言：「何法不相續故，是淨不相續？」



子三、無垢歎<sup>88</sup> k386

子四、無得無著歎<sup>89</sup>

子五、無生歎

丑一、諸法無生<sup>90</sup>

丑二、三界無生

寅一、欲界無生<sup>91</sup>

寅二、色界無生<sup>92</sup>

寅三、無色界無生<sup>93</sup> k387

癸三、泯智照歎

子一、無知歎（因淨）<sup>94</sup>

子二、一切法淨歎（境淨）<sup>95</sup>

子三、無損益歎（果淨）<sup>96</sup> k388

子四、無所受歎（觀心滅）<sup>97</sup>

壬三、須菩提舉我淨明法淨以淺喻深<sup>98</sup>

癸一、約我淨門別明

子一、五陰淨

<sup>88</sup> <原文>：舍利弗言：「何法無垢故，是淨無垢？」

<sup>89</sup> <原文>：舍利弗言：「何法無得無著故，是淨無得無著？」

<sup>90</sup> <原文>：舍利弗言：「何法無生故，是淨無生？」

<sup>91</sup> <原文>：舍利弗言：「云何是淨不生欲界中？」

<sup>92</sup> <原文>：舍利弗言：「云何是淨不生色界中？」

<sup>93</sup> <原文>：舍利弗言：「云何是淨不生無色界中？」

<sup>94</sup> <原文>：舍利弗言：「云何是淨無知？」……舍利弗言：「云何色無知是淨淨？」

<sup>95</sup> <原文>：舍利弗言：「云何一切法淨故，是淨淨？」

<sup>96</sup> <原文>：舍利弗言：「云何般若波羅蜜於薩婆若無益無損？」

<sup>97</sup> <原文>：舍利弗言：「云何般若波羅蜜淨，於諸法無所受？」

<sup>98</sup> [0508b06] 佛初命須菩提說般若，有所說，不應求其因緣；若餘人所說者，當求因緣。舍利弗已問清淨相，佛作證；今須菩提說清淨相，佛亦為證。「我淨故五眾淨」者，如我畢竟無所有、不可得，五眾亦如是。畢竟空即是我清淨、五眾清淨。解我空易，解五眾空難，是故以易解喻難解。

丑一、舉色明<sup>99</sup>

寅一、明畢竟淨<sup>100</sup>

寅二、無所有故淨

丑二、舉非色明<sup>101</sup>

寅一、明畢竟淨

寅二、無所有故淨 k389

子二、六度萬行淨<sup>102</sup>

丑一、明畢竟淨

丑二、無所有故淨

子三、無為道果淨<sup>103</sup>

丑一、明畢竟淨

丑二、自相空故淨

子四、一切智淨

丑一、明畢竟淨

丑二、無相無念故淨<sup>104</sup> k390

丑三、無垢無淨故無得無著<sup>105</sup>

癸二、約我無邊門總顯<sup>106</sup>

辛四、結法屬人行無不成說無不益

壬一、明結法屬人

癸一、般若屬菩薩

<sup>99</sup> <原文>：須菩提言：「以何因緣我淨故色淨畢竟淨？」

<sup>100</sup> [0508c06] 「畢竟空」即是「畢竟清淨」，以人畏空，故言清淨。

<sup>101</sup> <原文>：須菩提言：「何因緣故，我淨受想行識淨畢竟淨？」

<sup>102</sup> <原文>：須菩提言：「何因緣故，我淨檀那波羅蜜淨，我淨乃至十八不共法淨？」

<sup>103</sup> <原文>：須菩提言：「何因緣故，我淨須陀洹果淨、斯陀含果淨、阿那含果淨、阿羅漢果淨、辟支佛道淨、佛道淨？」

<sup>104</sup> <原文>：須菩提言：「何因緣故，我淨故一切智淨？」

<sup>105</sup> <原文>：須菩提言：「何因緣故，以二淨故無得無著是畢竟淨？」

<sup>106</sup> <原文>：須菩提言：「何因緣故，我無邊故色淨，受、想、行、識淨？」

癸二、釋畢竟空難<sup>107</sup>子一、明畢竟空而有道種慧<sup>108</sup>

子二、明道種慧而畢竟空 k391

丑一、正明

寅一、觀外法畢竟空兼破受者所施物

寅二、觀內心畢竟空破與者乃至我

丑二、釋所以

子三、結空有無礙

壬二、明人行法故行無不成

癸一、明自行成 k392

子一、明礙無礙行

丑一、須菩提明粗礙無礙行

寅一、天主問<sup>109</sup>

寅二、須菩提答

卯一、明自行礙（礙法—取心相）<sup>110</sup>

辰一、正明

辰二、結釋失

卯二、明化他無礙（無礙相）<sup>111</sup>

辰一、正明

辰二、結得二益

<sup>107</sup> <原文>：須菩提言：「何因緣故，菩薩摩訶薩能如是知，是名菩薩摩訶薩般若波羅蜜？」

<sup>108</sup> [0508c13] 佛言：「知道種故。」菩薩雖知一切法畢竟空，欲令眾生得此畢竟空，遠離著心。畢竟空，但為破著心故說，非是實空（「畢竟空」，即是答「道種智」）。

<sup>109</sup> <原文>：釋提桓因問須菩提：「云何是求菩薩道善男子礙法？」

<sup>110</sup> [0509c08] 礙法，何者是？所謂菩薩分別慳心、施心，捨慳心、取施心，是名「取心相」。知布施物貴賤，知修集布施能一切與，是檀波羅蜜乃至隨喜福德取相諸善法，雖為是妙，內著我，外著法，墮礙法中；譬如食雖香美，過噉則病。

<sup>111</sup> [0509c14] 上說礙相，今說無礙相，所謂菩薩若欲教他無上道，應以實法示、教、利、喜。示、教、利、喜義，如先說。實法者，所謂滅諸憶想分別，是故說「行檀時，不分別我與」等。若能如是教化，得二種利：一者、自無錯謬，二者、亦如佛所得法以化他人。如是等無量礙相相違，是名「無礙相」。

巳一、自無錯謬

巳二、令他離礙

丑二、如來說細礙無礙行（礙相細微）<sup>112</sup> k393

寅一、如來為說礙無礙

卯一、稱歎述成

卯二、誠聽

卯三、正說

寅二、須菩提領悟稱歎如來述成

卯一、甚深歎

卯二、敬禮歎

辰一、須菩提歎

辰二、佛總述

辰三、須菩提陳所悟 k394

辰四、佛別述<sup>113</sup>

巳一、標諸法一性

巳二、釋無二性

巳三、結知不二得益

卯三、難知難解歎

卯四、不思議歎

## <43無作品>

寅三、須菩提重問如來釋 k395

卯一、明般若無作

---

<sup>112</sup> [0509c24] 是礙相微細故，汝一心好聽！何者是？所謂菩薩用取相念諸佛等，皆是礙。無相相是般若波羅蜜；佛從般若中出，亦是「無相相」。諸善根著心取相迴向，是世間果報；有盡、雜毒故，不能得無上道。

<sup>113</sup> [0510a13] 佛言：「諸法一性無二。」一性，所謂畢竟空；無二者，無「畢竟、不畢竟」。一法性即是無性。畢竟空不應著、不應取相。所以者何？從因緣和合生故。

卯二、明云何行般若<sup>114</sup>

辰一、明不作有行

巳一、橫不行一切境

巳二、豎不行一切觀

巳三、不行不具足 k396

辰二、明不作無行

寅四、須菩提重領解稱歎如來述成

子二、明礙無礙兩捨行

丑一、明兩捨行

丑二、須菩提領解稱歎如來述成 k397

寅一、歎般若法

寅二、歎行般若人

癸二、明化他行成

子一、須菩提稱歎菩薩化他行成

丑一、標歎 k398

丑二、釋歎

丑三、結歎

子二、一比丘歡喜領悟稱歎

癸三、二行既成不假外護 k399

子一、明習空為習般若<sup>115</sup>

子二、應作何等護

丑一、天主問<sup>116</sup>

丑二、須菩提答

---

<sup>114</sup> <原文>：世尊！若菩薩摩訶薩欲行般若波羅蜜，應云何行？[0511b14] 佛言：「若菩薩不行一切法、不得一切法——所謂若常、若無常，乃至若淨、若不淨，是名行般若波羅蜜。」一切法者，從色乃至一切種智，是菩薩行法。是法中，無智人行諸法常等，智人行諸法無常等。是般若波羅蜜示諸法畢竟實相故，不說諸法常、無常。無常等雖能破常等顛倒，般若中不受是法，以能生著心故。思惟籌量，求常、無常相不可得定實。

<sup>115</sup> <原文>：釋提桓因語須菩提：「若菩薩摩訶薩習般若波羅蜜，為習何法？」

<sup>116</sup> <原文>：釋提桓因白佛言：「世尊！若善男子、善女人受持是親近、讀、誦、說、正憶念，我當作何等護？」

寅一、明無法可護<sup>117</sup>

寅二、不離正觀即是護

卯一、法說

卯二、喻說 k400

辰一、虛空及夢等喻<sup>118</sup>

辰二、無為法喻<sup>119</sup>

寅三、明正觀相

卯一、天主問<sup>120</sup>

卯二、須菩提答

辰一、正明

巳一、知世間五陰如夢等

午一、約色明

未一、知如夢

申一、不見色實四事

申二、不見夢虛四事 k401

未二、例化等

午二、例非色

巳二、知出世道法如夢等

午一、知如夢

未一、不見乃至一切智實四事

未二、不見夢虛四事

午二、例化等

辰二、結知

壬三、勸信受持說無不益

癸一、勸信

子一、明眾集

---

<sup>117</sup> <原文>：須菩提語釋提桓因言：「憍尸迦！汝頗見是法可守護者不？」

<sup>118</sup> <原文>：憍尸迦！於汝意云何？汝能護夢、焰、影、響、幻、化不？

<sup>119</sup> <原文>：憍尸迦！於汝意云何？能護法性、實際、如、不可思議性不？

<sup>120</sup> <原文>：釋提桓因問須菩提：「云何菩薩摩訶薩行般若波羅蜜，知見諸法如夢、如焰、如影、如響、如幻、如化？諸菩薩摩訶薩如所知見故，不念夢、不念是夢、不念用夢、不念我夢？焰、影、響、幻、化亦如是。」

子二、明勸信 k402

丑一、明十方道同

丑二、明三世同

寅一、明人處同

寅二、明教門同

卯一、須菩提三問<sup>121</sup>

卯二、如來三答

辰一、答何相問

辰二、答何因問

辰三、答何義問 k403

巳一、就五陰不生不滅不垢不淨故清淨

午一、法<sup>122</sup>

午二、譬<sup>123</sup>

巳二、舉五陰不汙故清淨

午一、法<sup>124</sup>

午二、譬<sup>125</sup>

巳三、單舉譬門明清淨

---

<sup>121</sup> <原文>：須菩提白佛言：「世尊！彌勒菩薩摩訶薩得阿耨多羅三藐三菩提時用何相、何因、何義說是般若波羅蜜義？」

<sup>122</sup> <原文>：世尊！云何色清淨故般若波羅蜜清淨？云何受、想、行、識清淨故般若波羅蜜清淨？

<sup>123</sup> <原文>：世尊！云何虛空清淨故，般若波羅蜜清淨。

<sup>124</sup> <原文>：世尊！云何色不汙故般若波羅蜜清淨？受、想、行、識不汙故般若波羅蜜清淨？

<sup>125</sup> <原文>：世尊！云何如虛空不可汙故虛空清淨？

午一、虛空可說故淨<sup>126</sup>

午二、虛空不可說故淨<sup>127</sup> k404

午三、虛空不可得故淨<sup>128</sup>

巳四、單就法說總明一切淨<sup>129</sup>

癸二、依信受持離諸障惱<sup>130</sup>

癸三、轉為他說獲利無窮

子一、明說者得利

丑一、須菩提述

寅一、明諸天來 k405

寅二、明說法得福利

丑二、佛述

寅一、正述

寅二、釋述

卯一、歎般若為大珍寶<sup>131</sup>

辰一、總標

巳一、能拔苦

<sup>126</sup> <原文>：世尊！云何虛空可說故般若波羅蜜清淨？[0514b27] 復次，諸菩薩住辯才樂說無礙智中為眾生說十二部經、八萬四千法聚，皆是般若波羅蜜一事，而分別為說，是故說：「般若波羅蜜可說故，清淨如虛空。」[0514c01] 因虛空及山谷，有人聲從口中空出，因是出聲故名響。如響空，口聲亦如是，是二聲皆虛誑不實，而人以聲為實、以響為虛。般若亦如是，一切法皆畢竟空，如幻、如夢，凡夫法、聖法皆是虛誑；小菩薩以凡夫法為虛誑、聖法為實。

<sup>127</sup> <原文>：世尊！云何虛空不可說故般若波羅蜜清淨？

<sup>128</sup> <原文>：世尊！云何如虛空不可得故般若波羅蜜清淨？

<sup>129</sup> <原文>：世尊！云何一切法不生不滅、不垢不淨故般若波羅蜜清淨？

<sup>130</sup> [0515c17] 問曰：若受持般若、正憶念，猶有眾患，云何言終不病眼等？

[0515c18] 答曰：是事，上〈功德、地獄品〉中已廣說，所謂非必受報業，故無眾患。又常受持、正憶念、如所說行般若，故無眾患。譬如良藥，能破眾病；若不能將順，則不除患，非藥之失。又如[病-丙+寧]人雖得利器，不能御難，非器之過。行者如是，先世重罪、今世不如所說行故，不得般若力，非般若過。

<sup>131</sup> <原文>：須菩提！般若波羅蜜是大珍寶。何等是大珍寶？



巳二、能與樂

辰二、別釋與樂

巳一、能與樂因

巳二、能與樂果 k406

午一、二世樂

午二、涅槃樂

辰三、結歎

卯二、歎般若不生不滅超勝珍寶

寅三、勸菩薩如般若而行故得利益 k407

卯一、無所著行利<sup>132</sup>

卯二、不取捨行利<sup>133</sup>

辰一、正明

辰二、釋所以

子二、明聽者得益稱歎 k408

丑一、諸天得益稱歎佛善巧立破

寅一、諸天歡喜供養悟道

寅二、佛破轉法輪說般若<sup>134</sup>

卯一、佛正破

辰一、以畢竟空泯轉法輪見

辰二、以無法有法空泯轉還見

<sup>132</sup> [0516b21] 如此中說「如是亦不知」者，如上說般若相，亦不作是知、不作知者；不取相亦不生著，不分別，不得定相；是名「無有過患、無有法愛、斷諸戲論」。

<sup>133</sup> [0516b29] 般若波羅蜜畢竟清淨故，無力、無非力；譬如虛空，雖無有法，而因虛空得有所作。無有一法定相可著，故無有力；得諸法實相，於諸善法無礙，乃至降魔成佛，非無有力。「不受不與」、「不生不滅」等乃至「不捨有為法、不與無為法」，亦如是。

<sup>134</sup> [0517b11] 「轉法輪非一非二」者，為畢竟空及轉法輪果報涅槃故如是說，是則因中說果。法輪即是般若波羅蜜；是般若波羅蜜無起無作相，故無轉無還。如十二因緣中說：無明畢竟空故，不能實生諸行等；無明虛妄顛倒、無有實定故，無法可滅。說世間生法，故名為轉；說世間滅法，故名為還。般若波羅蜜中無此二事，故說無轉、無還。「無法有法空故」——無轉是「有法空」，無還是「無法空」。

卯二、須菩提問<sup>135</sup>

卯三、佛以涅槃實相破有無答

丑二、須菩提歡喜稱歎

寅一、得無得無上菩提

寅二、轉無轉無還法輪<sup>136</sup> k409

卯一、畢竟空故無可見

卯二、入三脫門得解脫

子三、明說般若之方

丑一、世諦十法清淨說<sup>137</sup>

<sup>135</sup> <原文>：須菩提白佛言：「世尊！云何無法有法空故，般若波羅蜜不為轉、不為還故出？」

<sup>136</sup> [0517c19] 諸佛雖說法，令他得道，破煩惱，從此至彼，名為「轉」。今我等諸煩惱虛誑、顛倒、妄語、無有定相；若無定相，為何所斷？若無所斷，亦無轉、無還，是故說「雖轉法輪，亦無轉還」。何以故？是般若波羅蜜中，無有法五眼所能見若轉、若還，一切法從本已來畢竟不生故。

<sup>137</sup> [0518a02] 能如是不取相、不著心，說般若波羅蜜，教、照等。

- ① 「說」者，若案文，若口傳。
- ② 「教」者，為人讚般若，令受持、讀誦、正憶念。
- ③ 「照」者，如人執燈照物；若人不知般若，以智慧明照之令知。
- ④ 「開」者，如寶藏閉門，雖有好物而不能得；若開其門，則隨意所取。如人疑不信般若者，開邪疑扉、折無明關，是人則隨意所取。
- ⑤ 「示」者，如人眼視不明，指示好醜；如人有小信小智者，示是道非道、是利是失等。
- ⑥ 「分別」者，分別諸法，是善是不善、是罪是福、是世間是涅槃。經書略說，難解難信；能廣為分別解說，令得信解。
- ⑦ 「顯現」者，佛為種種眾生說種種法，或時毀訾善法、助不善法，趣令眾生得解。
- ⑧ 「說法」者，說佛意趣以應眾生，令知輕重相。
- ⑨ 「解釋」者，如囊中寶物，繫口則人不知；若為人解經卷囊，解釋義理。又如重物，披析令輕；種種因緣譬喻，解釋本末令易解。
- ⑩ 「淺易」者，如深水難渡，有人分散此水令淺，則渡者皆易；般若波羅蜜如水甚深，論議方便力故種種說，能令淺易，乃至小智之人皆能信解。

能以十種為首說甚深義，是名清淨說般若波羅蜜義。

丑二、第一義中無說等<sup>138</sup>

## &lt;44遍歎品&gt;

辛五、歎般若導諸行到彼岸究竟歎 k410

壬一、法說歎<sup>139</sup>

- 癸一、無邊波羅蜜，如虛空無邊故
- 癸二、等波羅蜜，一切法等故
- 癸三、離波羅蜜，畢竟空故
- 癸四、不壞波羅蜜<sup>140</sup>，一切法不可得故
- 癸五、無彼岸波羅蜜，無名無身故<sup>141</sup>
- 癸六、空種波羅蜜，出入息不可得故<sup>142</sup>
- 癸七、不可說波羅蜜，覺觀不可得故
- 癸八、無名波羅蜜，受、想、行、識不可得故 k411
- 癸九、無去波羅蜜，一切法不來故

<sup>138</sup> [0518a24] 第一義中，實無所說，畢竟空故「無說」，無說故「無受」，無受故「無證」，無證故「無滅諸煩惱」者，若無滅煩惱則「無福田」。<sup>139</sup> [0518a26] 「受」者名信受、讀、誦。行是法，得沙門果、無生法忍，是名為「證」。證時，諸煩惱滅，得有餘涅槃；得有餘涅槃故是畢定福田。畢定者，諸法同無餘涅槃性，故說無畢定福田。

<sup>139</sup> [0518b26] 「無邊波羅蜜」者，須菩提聞佛說大珍寶波羅蜜義，因而自讚般若為摩訶波羅蜜；又以智慧深入種種法門，觀般若波羅蜜如大海水無量無邊；深知般若波羅蜜功德，因發大歡喜；欲以種種因緣讚歎般若，是故白佛言：「世尊！無邊波羅蜜是般若波羅蜜。」

<sup>140</sup> [0518c14] 菩薩用是般若波羅蜜，總相、別相求諸法，不得定相如毛髮許；以不可得故，於一切法心不著。若有邪見戲論人用邪見著心欲破壞是菩薩，是菩薩無所著故，不可破壞，是名「不壞波羅蜜」。

<sup>141</sup> [0518c19] 此岸名為生死，彼岸名涅槃，中有諸煩惱大河；一切出家人欲捨此岸，貪著彼岸；而般若波羅蜜無彼岸，彼岸是涅槃，無色無名，是故說：「無色無名故，是名無彼岸波羅蜜。」

<sup>142</sup> [0518c23] 有虛空則有出入息，出入息皆從虛誑業因緣生；出者非入，入者非出，念念生滅，不可得實相；息不可得故，一切法亦不可得；不可得故，名「空種波羅蜜」。

癸十、無移波羅蜜，一切法不可伏故<sup>143</sup>  
 癸十一、盡波羅蜜，一切法畢竟盡故  
 癸十二、無生波羅蜜，一切法不滅故  
 癸十三、不滅波羅蜜，一切法不生故  
 癸十四、無作波羅蜜，作者不可得故  
 癸十五、無知波羅蜜，知者不可得故  
 癸十六、不到波羅蜜，生死不可得故  
 癸十七、不失波羅蜜，一切法不失故 k412

## 壬二、譬喻歎

癸一、夢波羅蜜，夢中所見不可得故  
 癸二、響波羅蜜，聞聲者不可得故  
 癸三、影波羅蜜，鏡面不可得故  
 癸四、焰波羅蜜，水流不可得故  
 癸五、幻波羅蜜，術事不可得故

## 壬三、離過歎

癸一、不垢波羅蜜，諸煩惱不可得故  
 癸二、無淨波羅蜜，煩惱虛誑故  
 癸三、不污波羅蜜，處不可得故<sup>144</sup> k413  
 癸四、不戲論波羅蜜，一切戲論破故  
 癸五、不念波羅蜜，一切念破故  
 癸六、不動波羅蜜，法性常住故<sup>145</sup>  
 癸七、無染波羅蜜，知一切法無妄解故  
 癸八、不起波羅蜜，一切法無分別故<sup>146</sup>  
 癸九、寂滅波羅蜜，一切法相不可得故

<sup>143</sup> [0519a06] 般若波羅蜜是三世十方佛法藏，以三法印印，無天無人能破，故名「無移波羅蜜」。

<sup>144</sup> [0519c13] 淫欲、瞋恚等諸煩惱名為污；是般若波羅蜜，一切垢法所不污。六情是諸煩惱處，六情及一切法，諸煩惱緣處、住處皆不可得，故名「不污波羅蜜」。

<sup>145</sup> [0519c19] 住法性菩薩，一切論議者所不能勝，一切結使邪見所不能覆；一切法無常破壞，心不生憂；如是等因緣，故名「不動波羅蜜」。

<sup>146</sup> [0519c23] 憶想分別是一切結使根本；有結使，能起後身業。知憶想分別虛妄，一切後世生業更不復起故，是名「不起波羅蜜」。

- 癸十、**無欲波羅蜜**，欲不可得故<sup>147</sup>
- 癸十一、**無瞋波羅蜜**，瞋恚不實故 k414
- 癸十二、**無癡波羅蜜**，無明黑闇滅故
- 癸十三、**無煩惱波羅蜜**，分別憶想虛妄故
- 癸十四、**無眾生波羅蜜**，眾生無所有故
- 癸十五、**無斷波羅蜜**，諸法不起故
- 癸十六、**無二邊波羅蜜**，離二邊故
- 癸十七、**不壞波羅蜜**，一切法不相離故
- 癸十八、**不取波羅蜜**，過聲聞、辟支佛地故
- 癸十九、**不分別波羅蜜**，諸妄想不可得故
- 癸二十、**無量波羅蜜**，諸法量不可得故 k415
- 癸二十一、**虛空波羅蜜**，一切法無所有故

#### 壬四、得門歎

##### 癸一、歎行無不成

##### 子一、無常等觀成

- 丑一、**無常波羅蜜**，一切法破壞故
- 丑二、**苦波羅蜜**，一切法苦惱相故
- 丑三、**無我波羅蜜**，一切法不著故
- 丑四、**空波羅蜜**，一切法不可得故
- 丑五、**無相波羅蜜**，一切法不生故

##### 子二、十八空觀成 k416

- 丑一、**內空波羅蜜**，內法不可得故
- 丑二、**外空波羅蜜**，外法不可得故
- 丑三、**內外空波羅蜜**，內外法不可得故
- 丑四、**空空波羅蜜**，空空法不可得故
- 丑五、**大空波羅蜜**，一切法不可得故
- 丑六、**第一義空波羅蜜**，涅槃不可得故
- 丑七、**有為空波羅蜜**，有為法不可得故
- 丑八、**無為空波羅蜜**，無為法不可得故
- 丑九、**畢竟空波羅蜜**，諸法畢竟不可得故
- 丑十、**無始空波羅蜜**，諸法無始不可得故 k417

<sup>147</sup> [0519c28] 是般若波羅蜜，乃至善法中尚不貪，何況餘欲！佛說：「欲，從本已來不可得故。」貪欲虛誑，自性不可得，故名「無欲波羅蜜」；非是離欲故名無欲。

- 丑十一、散空波羅蜜，散法不可得故
- 丑十二、性空波羅蜜，有為、無為性不可得故
- 丑十三、諸法空波羅蜜，一切法不可得故
- 丑十四、無所得波羅蜜，無所有故
- 丑十五、自相空波羅蜜，諸法自相離故
- 丑十六、無法空波羅蜜，無法不可得故
- 丑十七、有法空波羅蜜，有法不可得故
- 丑十八、無法有法空波羅蜜，無法有法相不可得故 k418

子三、菩提分行成

- 丑一、念處波羅蜜，身、受、心、法不可得故
- 丑二、正勤波羅蜜，善不善法不可得故
- 丑三、如意足波羅蜜，四如意足不可得故
- 丑四、根波羅蜜，五根不可得故
- 丑五、力波羅蜜，五力不可得故
- 丑六、覺波羅蜜，七覺分不可得故
- 丑七、道波羅蜜，八聖道分不可得故

子四、三三昧成 k419

- 丑一、無作波羅蜜，無作不可得故
- 丑二、空波羅蜜，空相不可得故
- 丑三、無相波羅蜜，寂滅相不可得故

子五、出世禪成

- 丑一、背捨波羅蜜，八背捨不可得故
- 丑二、定波羅蜜，九次第定不可得故

子六、六度行成

- 丑一、檀那波羅蜜，慳貪不可得故
- 丑二、尸羅波羅蜜，破戒不可得故
- 丑三、羼提波羅蜜，忍、不忍不可得故
- 丑四、毘梨耶波羅蜜，懈怠、精進不可得故 k420
- 丑五、禪那波羅蜜，定、亂不可得故
- 丑六、般若波羅蜜，癡、慧不可得故

癸二、歎果無不滿

- 子一、十力波羅蜜，一切法不可伏故
- 子二、四無所畏波羅蜜，道種智不沒故

- 子三、無礙智波羅蜜，一切法無障無礙故
- 子四、佛法波羅蜜<sup>148</sup>，過一切法故
- 子五、如實說者波羅蜜<sup>149</sup>，一切語如實故
- 子六、自然波羅蜜<sup>150</sup>，一切法中自在故
- 子七、佛波羅蜜，知一切法、一切種智故<sup>151</sup> k421

---

<sup>148</sup> [0521c07] 菩薩因般若波羅蜜，能集十力、四無所畏、四無礙智、大慈大悲等諸佛法故，說「佛法波羅蜜」。

<sup>149</sup> [0521c13] 如過去佛行六波羅蜜，得諸法如相；今佛亦如是行六波羅蜜得佛道，故名「多陀阿伽陀波羅蜜」。「多陀阿伽陀」者，或言「如來」，或言「如實說」，或言「如實知」。此中佛說：非但佛說名如實說，一切語言皆是如實，故名「如實說波羅蜜」。

<sup>150</sup> [0521c18] 是般若波羅蜜具足，後身自然作佛，故名「自然波羅蜜」。「自然」名佛；佛所說故名「自然波羅蜜」。復次，是般若波羅蜜實相自然、不由他作，故名「自然」。佛言：佛一切法中得自在力，故名「自然波羅蜜」。

<sup>151</sup> [0522a01] 佛，略知有二種相，所謂總相、別相；又以分別相、畢竟空相。廣知則一切種——一切種是一切無量無邊法門。以是事故，名為「佛波羅蜜」；不以佛身故名為佛波羅蜜，但以一切種智故。